



Broj: JN-OP-751-17/2024

Datum: 06-11-2024

**PREDMET:** Pojašnjenje tenderske dokumentacije

U sjedištu Ugovornog organa dana 04.11.2024. godine, pod brojem protokola: JN-OP-751-16/2024, zaprimljen je Zahtjev za pojašnjenje tenderske dokumentacije, broj: JN-OP-751-6/2024 u postupku javne nabavke rekonstrukcije DV 110 kV Donji Vakuf – Jajce 2, dostavljen od strane privrednog subjekta ENERGOINVEST d.d. Sarajevo, u kome se traže sljedeća pojašnjenja:

1. U Tenderskoj dokumentaciji Prilog 8 u Tački 2.1 traži se izrada Elaborata katastarske obrade trase dalekovoda za područje općine Jajce i izrada Elaborata eksproprijacije za kompletnu trasu.  
Prilikom izrade Glavnog projekta nije urađen Elaborat katastarske obrade trase za područje općine Jajce, kao ni Elaborat eksproprijacije za kompletnu trasu.  
S obzirom da do danas ne postoje podaci o parcelama (posjedovni listovi, z.k. ulošci i kopija katasatrskog plana) jer nije završeno izlaganje za tu općinu i neizvjesno je kada će to biti, rokove izvršenja pripadajućih usluga trebalo bi vezati za mogućnost pribavljanja katastarskih podloga i podataka.

Molimo za Vaš komentar.

2. Članom 139. Zakona o električnoj energiji FBiH propisano je da se rekonstrukcijom ne smatra zamjena vodiča elektroenergetskih vodova s vodičima istog presjeka, manjeg presjeka ili za jedan presjek više, poštujući tehničke propise i zamjena jednog ili više stubova ukoliko se novi stubovi postavljaju na lokaciji stubova koji se mijenjaju ili na približno istoj lokaciji, zadržavajući pravac trase, te se, ukoliko su ispunjeni ovi uslovi, građevinska dozvola ne pribavlja.

Molimo komentar da li se na ovaj projekat primjenjuje gore navedena odredba, obzirom da je već sačinjen Glavni projekat iz kojeg je vidljiv presjek vodiča elektroenergetskih vodova, lokacija stubova koji se mijenjaju, kao i pravac trase.

3. "Tenderski zahtjev je da Izvođač ishodi odluke o utvrđivanju općeg interesa za rekonstrukciju DV 110 kV TS Jajce 2 - TS Donji Vakuf, izradi predviđenu projektnu dokumentaciju potrebnu za pribavljanje urbanističke saglasnosti, pribavi urbanističku saglasnost sve u maksimalnom roku od 90 kalendarskih dana (Prilog 10 DINAMIČKI PLAN REALIZACIJE UGOVORA). Smatramo da je predmetni rok nerealno postavljen jer je prema članu 16. Zakona o eksproprijaciji rok za donošenje odluke nadležnog organa po podnesenom prijedlogu za utvrđivanje javnog interesa 60 dana. Molimo da se izvrši korekcija maksimalnog roka za ove postupke."

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

1. Izvođač radova je u obavezi da, u skladu sa uputama organa uprave i važećim zakonskim i podzakonskim aktima, a imajući u vidu navedenu problematiku identifikacije parcela na području općine Jajce, izvrši navedene usluge. Ukoliko se prilikom izvršenja navedenih usluga jave okolnosti koje dovedu do probijanja roka, a na koje izvođač nije mogao utjecati, Ugovorni organ će te razloge za probijanje roka smatrati kao opravdane te dati saglasnost za produženje roka. S obzirom da predmetni dalekovod prelazi preko općina Jajce i Donji Vakuf, te da za područje općine Donji Vakuf postoji izrađen Elaborat katastarske obrade trase, radovi na ishodovanju građevinske dozvole za dionicu dalekovoda koja je na području Donjeg Vakufa kao i sami radovi na rekonstrukciji će se moći vršiti uporedo sa izvršenjem usluge izrade Elaborata katastarske obrade trase dalekovoda na području općine Jajce.
2. Glavnim projektom rekonstrukcije dalekovoda definisane su pozicije novih stubova koje su različite u odnosu na postojeće i ne može se reći da se novi stubovi grade na mjestu postojećih koji se ukidaju ili u neposrednoj blizini. Ukupan broj (novih i stubova koji se zadržavaju) stubova je za 15 manje u odnosu na sadašnje stanje. Također, Glavnim projektom je predviđena ugradnje provodnika AlFe 240/40 mm<sup>2</sup> dok je trenutno na dionicama dalekovoda na kojima je predviđena ugradnja novih stubova ugrađen provodnik AlFe 120/20 mm<sup>2</sup>. Iz predhodno navedenog slijedi da Ugovorni organ smatra da se na ovom projektu ne može pozvati na Član 139 Zakona o električnoj energiji FBiH iako se zadržava postojeća trasa. Međutim, imajući u vidu da je u ovom slučaju za izdavanje neophodnih dokumenata nadležan organ Ministarstvo prostornog uređenja, graditeljstva, zaštite okoliša, povratka i stambenih poslova Srednjobosanskog kantona, njihov stav po ovom pitanju će biti konačan za realizaciju projekta.
3. Ugovorni organ ostaje pri prvobitnom zahtjevu navedenom u Prilogu 10 tenderske dokumentacije. Eventualni Izvođač radova dužan je da u datom roku ishoduje tražene dokumente, a sve u skladu sa procedurama nadležnog organa uprave. Ukoliko se prilikom izvođenja radova jave okolnosti koje dovedu do probijanja roka, a na koje izvođač nije mogao utjecati, Ugovorni organ će te razloge za probijanje roka smatrati kao opravdane te dati saglasnost za produženje roka.

S poštovanjem,

Predsjednik Komisije za  
JN-OP-751/2024

  
Haris Zaimović

"Elektroprenos Bosne i Hercegovine" a.d. Banja Luka  
78000 Banja Luka, Marije Bursać 7a,  
Tel. +387 51 246 500, Fax: +387 51 246 550  
Operativna područja:  
Banja Luka, Sarajevo, Mostar i Tuzla

IB: 4402369530009  
MB: 11001416  
BR: 08-50.3.-01-4/06  
Ministarstvo pravde BiH  
Sarajevo

Korisničke banke i brojevi računa  
Nova Banka a.d. 5550070151342858  
UniCredit Bank a.d. B. Luka 5510010003400849  
Raiffeisen Bank 1610450028020039  
Atos Bank a.d. Banja Luka 5672411000000702  
NLB Banka 1320102011989379